

tellum basi detectum. Alae areola hamo ex eodem puncto ac vena decurrens emisso. Xyphus prosterni tenuiter marginatus. Mesosternum apicem versus altius. Coxae anticae medium mesosterni superantes. Pedes longi, graciles, pallido-pubescentes, femoribus maris linearibus, tibiis longius nigro-spinulosis.

Agraptocoris concolor Reut.

Pallide et sordide stramineus, minus tenuiter sat dense albo-pubescentis, hemielytris setis longioribus nigris retrorsum nutantibus, oculis apiceque rostri nigris; hemielytris sat nitidis, pellucentibus, membrana subhyalina, venis stramineis; femoribus inferne atomis dilute fuscescentibus subseriatim positis; tibiis spinulis longis nigris e punctis omnium minutissimis nigris nascentibus; tarsis articulo ultimo apice ungviculisque fuscis. Long. ♂ $4\frac{4}{5}$ mm.

Hab. in Mongolia boreali (Urga, Tschelotai-buluk, Njudun!), D. Klements (Mus. Petrop.).

Caput (♂) vertice oculo circiter dimidio latiore. Antennae articulo secundo maris lineari, margini basali pronoti aequae longo, tertio secundo circiter $\frac{1}{4}$ breviorae. Pronotum basi longitudine circiter duplo latiore, apice longitudine aequae lato. Hemielytra maris parallela, abdomen longe superantia. Venter tenuiter albo-pubescentis.

6. Gen. *Pleuroxonotus* Reut.

Corpus oblongum (♀); capite porrecto, a latere viso altitudine basali longiore, fronte versus apicem leviter declivi, clypeo valde prominente, a latere viso lato, apicem versus adhuc latiore, margine antico usque ad apicem sat fortiter arcuato, angulo apicali recto, genis mediocribus, gula horizontali, dimidium capitis occupante; rostro apicem mesosterni attingente; antennis paullo supra apicem oculorum interne insertis, a margine oculorum nonnihil remotis, articulo primo apicem clypei parum superante, secundo latitudine capitis longiore; pronoto transverso, margine antico latissime leniter